

MME EKIKERE OWO ABASI

Ɗwed Mbon Philippi 4:8

ỌYỌHỌ UKPEP ƊKPỌ 341

Eke Mkparawa

IKỌ IBUOT: “Kaña utom fo nọ Jehovah, ndien uduak fo eyesoño ada” (Mme Ɗke 16:3).

Ɗwed Emi Enode Esok Owo

Paul ama asaña okosim obio Philippi emi odude ke Macedonia ke isañ ukwọrọ Ikọ Abasi esie ọyọhọ iba ye ọyọhọ ita. Ke mme akam esie, enye ama ọkọm Abasi ke abaña inemesit emi enye ekesikopde ke ini etide mbet emi ekedude do, ye ebuana ke otu mmọ (Ɗwed Mbon Philippi 1:3-5). Mbet ke Philippi ema eti Paul ńko. Mmọ ema enọ mme enọ esok enye man ańwam ke utom ukwọrọ Ikọ Abasi esie. Ini kiet mmọ ema enọ owo emi ekekerede Epaphroditus mme enọ mmọ esok enye. Ke ini Paul ekewetde ńwed ekọm ọnọ esok mbon Philippi, enye ama ọdọhọ ete: “Edi mmenyene kpukpru ńkpọ uwak-uwak; mmọyuhọ, sia mma ńkọbọ enọ mbufo ke ubok Epaphroditus; ata edinem ufuon ke edi, uwa eke Abasi adarade, onyũ enemde enye esit eti-eti ndibọ” (Ɗwed Mbon Philippi 4:18).

Ɗwed emi odude ke Ɗwed Abasi emi ediọnọde nte Ɗwed Mbon Philippi edi ńwed emi Paul ekewetde ọnọ esok ufok Abasi ke Philippi. Edi Abasi ekedemere esit Paul ndiwet enye, ndien ọtọnọde ke ini oro, mme anditiene Jesus ebọ item ye ndońesit eto enye.

Mme Ekikere

Ɗwed Paul etiń usuń nte owo Abasi odude uwem ye ndusuk mme utom esie, Paul abat mme nti ńkpọ emi ekemedede ndinọ uńwam ke itie ke itie, man mmọ emi enyańade ekpekere ebaña. Mme ekikere owo Abasi ekpuhọre ye se enye ekenyenede mbemiso enyaña enye. Ke ndikot mme owo ete ekabare esit, Isaiah, anditiń ntiń-nnim ikọ ama ọdọhọ ete: “Yak idiok owo ọkpọń usuń esie, yak oburobut owo ọkpọń ekikere esie: onyũ ańiak etiene Jehovah: ndien enye eyetua enye mbom; etiene Abasi nnyin, koro Enye eyewak ndidahado” (Isaiah 55:7). Abasi ama etiń abaña ikot Esie ete: “Nyesin mbet Mi ke esit mmọ, Nyenyũ ńwet mmọ ke ọwọńesit mmọ ńko” (Mme Hebrew 8:10).

Nti ekikere ikpọń inamke owo edi owo Abasi edi ndiọi ekikere ekeme ndida owo nsin ke idiok-ńkpọ. Ke owo ama ọkọbọ mbom ye edidahado, ke abaña idiok-ńkpọ esie, enye oyom ndimum emem oro ńkama ke esit esie. Isaiah, anditiń ntiń-nnim ikọ ama ọdọhọ ete: “Ama edi esit eke eberede (Fi), afo eyekpeme enye ke emem-emem: koro enye ọbuotde idem esie ye afo” (Isaiah 26:3).

David ńko ama ọdiọnọ nte otimde edi akpan ńkpọ ọnọ owo Abasi ndikpeme mme ekikere esie. Enye ama ebeńe ete yak akam imọ, mme ekikere esit imọ, ọkọrọ ye ikọ inua imọ edi se inemde Abasi esit (Psalm 19:14). David ama ebeńe Abasi ete ọduńọre mme ekikere imọ, onyũ ese mme usuń ukwań odu ke esit imọ (Psalm 139:23, 24).

Abasi ọdiọnọ mme ekikere nnyin, onyũ onim ńwed eriti ke abaña mmọ oro ekerede ebaña Enye. Malachi, anditiń ntiń-nnim ikọ ama ọdọhọ ete: “Ndien mme abak Jehovah eneme kiet ye kiet: ndien Jehovah akpań uton, onyũ okop, mmọ enyũ ewet ńwed eriti ke iso esie enọ mme abak Jehovah ye mme ekere enyiń esie” (Malachi 3:16).

Mme Ɗkpọ Emi Edide Akpanikọ

Ke ikutde ite ke mme ekikere nnyin edi akpan ńkpọ, nso ke nnyin ikpekere ibańa? Paul ama ọdọhọ ete, “Ɗkpọ ekededi eke edide akpanikọ ... ekere ńkpọ oro.” Ediwak ńkpọ emi edude ke ererimbot mfin, edi ńkpọ abiańa. Owo edikeme didie ndidiọnọ se idide akpanikọ? Ini kiet, ke Jesus ọbọńde akam onyũ etińde ikọ ye Abasi, Enye ama ọdọhọ ete, “Ikọ Fo edi akpanikọ” (John 17:17). Ikọ Abasi edi Ɗwed Abasi, ndien Ɗwed Abasi edi akpanikọ. Enye ekpep ete ke eńwọńọ Abasi edi akpanikọ. Nnyin imokot ite “mme ikpe Jehovah edi akpanikọ, kpukpru mmọ enen” (Psalm 19:9). Ke mme eńwọńọ Abasi, ke

abaña mme edidiõn ye ubierikpe, nti ekikere eyoyohõ ke esit. Ndikere mbaña mme ñkpõ emi edide akpanikõ ntem, ekpenyene ndinam owo aduak ke esit esie ndidu uwem nnõ Qõbõn. Do ndien ke enye edikeme ndida mme utibe eñwõnõ edidiõn oro nnyene.

Se Midighe Akpanikõ

Satan edi ete kpukpru nsu, ndien baba akpanikõ inyuñ iduhe ke enye (John 8:44). Enye edi asua ukpõn nnyin, eyenyuñ odomo ndinam nnyin inim, inyuñ ikere ibaña se midighe akpanikõ. Ke ini afo õdõnõde enye ekeme ndinam fi ekere ete ke Abasi idikõkke udõnõ fo, edi Abasi õdõhõ ete, “Edi ami Jehovah nnam udõnõ okure fi” (Exodus 15:26).

Emi edi uwut-ñkpõ owo kiet emi ekekerede abaña mme ñkpõ emi mikedighe akpanikõ. Satan ke mbiet uruk-ikõt, ama osu nsu õnõ Eve ke Iñwañ Eden. Qõdõhõ enye ete, “Mbufo idikpaha” (Genesis 3:4). Abasi ama õdõhõ ete: “Edi ama edi eto ifiõk, eti ye idiõk, kudia ke esit: koro ke usen eke afo adiaide ke esit afo eyekpa mkpa” (Genesis 2:17). Koro Eve ekekerede abaña se midighe akpanikõ emi satan eketiñde õnõ enye, enye ama õduõ oduk ke idomo onyuñ anam idiõk-ñkpõ. Ema ediañade enye ekpõn Abasi, enye onyuñ akpa ke spirit. Iketreke do, edi idiõk-ñkpõ ama anam kpukpru owo ekpaña ke spirit. Nkukure usuñ eke ekemedede ndifiak nnam owo enyene uwem edi ndinyene ediyaña nto Iyip Jesus.

Yak ikere ibaña mme ñkpõ emi edide akpanikõ. Etiñ ebaña Jesus nte “ata vine” (John 15:1), “ata uyo” (John 6:32). Ye “ata Uñwana” (John 1:9).

Edinam Akpanikõ

Edinam akpanikõ edi ñkpõ efen emi ekpedude ke ekikere nnyin. Edinam akpanikõ õwõõ ndinam nte odotde, ndinyuñ ndi se mbon efen edoride enyin. Ekeme ndidori enyin ke owo emi anamde akpanikõ nte ke enye eyenam se inende. Mme owo ikemeke ndinyene idorenyin ke owo eke minamke akpanikõ. Ke akande oro, mme owo esesua mbon utuk ye mmõ emi ekaride ñkari. Edi akpan-ñkpõ nnyin ndinam akpanikõ, ndinyuñ ñkere mbaña nti edinam. Ini ekeme ndidu ke ufõk-ñwed emi owo oyipde udomo. Satan eyedomo ndinam nditõ eken ekere ebaña ido unana edinam akpanikõ oro. Enye eyetiñ õnõ mmõ ete ke oro edi ata mmem-mmem usuñ, eyenyuñ ayak ekikere esie õnõ mmõ ete ke õfõn mmõ ñko ndinam ntre. Ke mmõ ekerede, enyuñ eduakde, se idianade edi, edinanam. Imokut ndien ntak emi Paul õkõnõde owo item ete ekere ebaña mme ñkpõ emi edide akpanikõ.

Abiaña

Uwut-ñkpõ odu ke Ñwed Abasi ke abaña mmõ oro ekekerede ebaña abiaña. Ndusuk mbet ema enyam inyene mmõ enyuñ eda okuk oro esõk mme mbet. Ananias ye ñwan esie, Sapphira, ema ekere usuñ nte mmõ ekpenamde man owut nte ke mmõ ema enam ntre ñko. Mmõ ema enyam inyene mmõ. Mmõ ema ediomu enyuñ ebire se mmõ edinamde. Ananias ama ada ubak okuk oro õsõk mme Mbet. Enye ama anam ñkari nte ke oro ekedi ñkukure okuk. Enye akababiaña ikonyuñ inamke akpanikõ. Ufen mmõ mbiba Ananias ye Sapphira, ekedi mkpa. Nsu ifõnke, ke edinanam mme ke editetiñ. Nnyin inyene ndinam akpanikõ nnyuñ ñkere mbaña mme ñkpõ emi edide akpanikõ.

Enen Onyuñ Asana

Owo ndidi edinen, nte ibet Abasi asañade, edi ndinyene ido eke enende ye uwem akpanikõ, emi asañade ekekem ke eti idaha, nte Ñwed-Abasi etemedede. Ndisana õwõõ ndinana ubiom-ikpe, nnana idiõk-ñkpõ, nnyuñ nnana ndek. Kere mme ñkpõ oro. Mme edikot ñwed mbuk ye mme ñwed ñkpõ-ntibe eke owo okotde, mme ndise ñwed ye mme edinam eke owo esede, mme ikwõ ye mme mbuk eke owo okopde, kpukpru enyene ukeme ndikara mme ekikere owo ke eti mme ke idiõk. Utõ odudu oro ikarake mme ekikere ikpõn, edi ekeme ndikara mme udõn ye mme edinam ñko. Ñkpri nditõ ye mkparawa akpan-akpan edi mmõ emi edidiõnõde nte mmõ emi enamde mme ukem ndiõi ñkpõ emi mmõ esikutde ke ufõk ndise, ye ekebe ndise enyuñ ekop eto ekebe-utiñ-ikõ. Mmõ ekere ebaña mmõ, ewuk esit ke mmõ, ndien mmõ eyedomo ndinam mmõ. Ke ndusuk idaha, emi ama ada mmõ õkõsuñõ ke mkpa, midighe mkpa mbon efen ndien ada ufen õsõk mmõ.

Kukere ete ke owo ekeme ndiwuk enyin nse idiok-ṅkpọ ndien oro etre ndiduk ke esit esie. Oro aṅwam Satan ndida mme ndedehe ye mbukpo ekikere nsin ke esit man owo edue. Nso edi ntak owo abiatde idemesie ye mme ndek-ndek ṅkpọ ntem, ke ini nti ye ndiye ṅkpọ edude enọ nnyin ndidara mbaña? Nso edi ntak mukotke nti ṅwed? Nso edi ntak mukpañke utọṅ unọ nti ikwọ? Nso edi ntak muwukke enyin use mme utom-obot? Mmọ inukke owo isin ke idomo man edue. Mme utom-obot, oro edi ediye iṅwañ flawa, ediyibe ikpa-enyoṅ ke ini utin osopde, idim obot, kpukpru mmọ, ke nsio-nsio usuñ enọ Abasi itoro, enyuñ eti nnyin ete ke nnyin ikpenyene ndinam kpasuk ntre.

Mme ṅkpọ Eke Eyede

Kere baña ṅkpọ eke eyede! Nso idi se iyede? Mme ṅkpọ eke edemerere udọṅ ye ima nnyin. Ikwo eke abañade mbọm Abasi, utọ eke abañade ukama Esie, ndise eke abañade uwem Jesus, nte mmọ idemekere esit nnyin ndima Enye ṅkan? Kere ete ke Christ ama otim ama nnyin ke ndiyak uwem Esie nno man enyaña nnyin. Nte emi inamke fi ama Enye? Nnyin ima Enye koro Enye ekebemde iso ama nnyin.

Nte afo emekere abaña nti edu-uwem nditọ ufok-ṅwed mbufo, eke mme ufan fo ye eke nditọ Abasi? Satan edi andidori nditọ-ete nnyin ikọ. Enye oyom ikere ibaña ndudue owo efen, ikọ mme edinam emi ifiok midughe ke esit, mme ikere ibaña ṅkpọ emi ekenyenede mbiet idiok-ṅkpọ. Edieke imumde mme utọ ekikere oro ikama, mmọ eyeda unana ima ke abaña kiet eken edi. “Edieke eti ido odude ke ṅkpọ, edieke itoro onyuñ odude ekere ṅkpọ oro”. Ekpri ibat owo edu ke ererimbot emi nti ṅkpọ ye ṅkpọ itoro miduhe ke mmọ. Owo ekpenyene ndikere nti edu-uwem eke edotde itoro ke uwem nditọ-ete esie ke Christ, onyuñ esin ifik oboṅ akam man Abasi aṅwam owo kiet-kiet ndidi ata eti owo Abasi emi oṣoṅode “ada ke kpukpru nti utom ye ikọ.” Eyak nnyin ikere ibaña mme ṅkpọ eke edidemerere nnyin ndinyene ima nno Abasi ye ikot Esie.

Eke Qwọrọde Eti Etop

Nditọ Abasi ekere ebaña mme ṅkpọ eke qwọrọde eti etop, utu ke esin esit ekere ebaña mme etop emi ekemede ndisin mmem-idem ye eyighe ke uwem mmọ. Owo Abasi inyeneke ndikpañ utọṅ ṅkop idiok-ibaña, mme nditie ṅkere mbaña. ṅwed Abasi oṅo uwut-ṅkpọ ke abaña ndusuk owo emi ekekerede ebaña idiok etop. Ema enọ mbon uyep duopeba eka ekeyep Isoṅ Canaan. Ke unyoṅ mmọ, mbon-uyep duop ema esuan etop emi okonode owo mmem-idem, ke ini mmọ etiñde ebaña mme obio ibibene ye mbon uko emi ekoñde eti-eti. Kiet ke otu mbon-uyep emi okonode eti etop, okodohọ ete “Yak nnyin idok ini kiet, ikada enye inyene: koro nnyin imetim ikem ubok ye enye” (Numbers 13:30). Mbon oro ikekerede ibaña mme eṅwoṅ Abasi. Mmọ ekekerede ebaña idiok etop, enim enye ke akpanikọ ndien eduyo ke akai-ikot ke isua aba.

“Edieke eti ido odude ke ṅkpọ, edieke itoro onyuñ odude, ekere ṅkpọ oro.” Ndusuk mme ikọ emi ekeme nditañ mme item eken eke ebañade ekikere nnyin odọṅ kiet. Nnyin imekeme ndida emi ndiṅṅo se idide eti mme idiok ekikere: Nte eti ido odu ke esit, eti edu-uwem odu, ata akpan ṅkpọ eke ofonde odu ke esit? nte enyene itoro ke esit, nte odot se enode unyime, nte ukpono odu ke esit?

Ndisuhọre Nduk Esit

Owo ikemeke ndibiṅṅo mme ekikere ndibe nduk esit esie, edi enye ekeme ndinam man mmọ ekusuhọ do. Sioṅo mbukpo ekikere emi Satan odomode ndinuk nsin do, midighe ntre enye eyebe oduk esit fo onyuñ akabare edi idiok-ṅkpọ. Enọ uwut-ṅkpọ emi: Owo ikemeke ndibiṅṅo inuen ndife mbe etiñ-ibuot esie, edi enye ekeme ndibiṅṅo enye ndibọp efok ke idet esie. Ke ukem ido oro, owo ikemeke ndibiṅṅo ndiqi ekikere ndiduk ke ekikere esie, edi enye ekeme ndibiṅṅo mmọ ndisuhọ do edieke enye otimde ekere abaña Abasi ye Ikọ Esie. Ke nditiñ se ewetde ke Ikọ Abasi, Jesus ama anam andidiok adaha okpoṅ Enye. Nnyin imekeme nditi mme ikọ-ibuot emi ikekpepde, me mme itie ṅwed Abasi emi ikokotde ke ini akam-nyak-idem ke usen ke usen; ndien ke ini inamde esit nnyin oyoṅ ntem ye mmọ, andidiok eyekpoṅ nnyin.

Paul ama odohọ ete: “Edat esit ke Qboṅ kpukpru ini:..... Ekutimere esit ke baba ṅkpọ kiet, edi ke kpukpru ṅkpọ, esaña ye akam ye mkpe-ubok ye ekom, esian Abasi se mbufo eyomde. Ndien emem

Abasi, emi ayañade ifiok owo, eyekpeme mbufo esit ye ekikere ke Christ Jesus.” (Nwede Mbon Philippi 4:4-7).

MME MBUME

1. Anie ekewet nwede emi onon mbon Philippi?
2. Ini ewe ke enye akaka ke Philippi?
3. Nso ke eda eti Lydia, ye ekpeme ufok-nkpokobi ke Philippi?
4. Nso usuñ ke mbon Philippi ekeda eti Paul?
5. Didie ke Paul eketi mmọ?
6. Nso ukpugwe odu ke abana nkpọ eke owo ekerede?
7. Didie ke mme ekikere ekeme ndikara mme edinam owo?
8. Nnyin ikeme didie ndidiogho mme ekikere edi eti, mme idiok?
9. Siak ndusuk nkpọ obot emi etorode Abasi emi ekpenamde nnyin itoro Enye nko.
10. Siak ndusuk nkpọ efen emi ekemedede ndikara mme ekikere nnyin.